

Wien, Österreichische Nationalbibliothek (ÖNB), Cod. 11569

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

477

HERMENEUTICI.

478

sacrificio addendo &c. XIX. De agno vel victima paschali allegoria. XX. Allegoria et descriptio Arcæ foederis. XXI. Variae sacrificiorum et holocaustorum allegoriae. Ita Libri sequentes hujus I. Voluminis agunt de Binario, Ternario, Quaternario et Quinario, quibus subnexus est totius Operis Elenchus.

CLXX. VIII. q. 10.

586 *Volumen II. Folior. usque ad 690. procurrentium incipit a Libro VI. qui de Numero Senario tractat, definitque cum Libro XX. quo Millenarius, ejusque Progressus varii illustrantur. De Autore id adjiciendum videtur, fuisse eum fratrem Georgii Stengelii Jesuitae, confundique quandoque Opera, quibus Par istud Fratrum πολυγενεῖ Remp. literariam auxit.*

CLXXI. VIII. q. 15.

591 *Codex membraneus lat. Sec. XII. Folior. 209. 4. probe scriptus, rubricisque distinctus sequentia continet: I. Incipit prefatio in collectione distinctiua de diuersis Acceptationibus verborum. Initium: Diuersas in sacra scriptura uerborum acceptiones minus studiosis lectoribus colligere curauit &c. Hinc est quod inter occupationes plurimas tam mee paupertati quam amicorum utilitati consulens. multiplies sacre scripture paginas percurri. doctorumque uolumina lustrauit &c. Primum, quod tractat, Ver-*

bum *Aqua est, de qua sic: Aqua spiritui sando comparatur quia refrigerat ut ipse. Vnde spiritus sanctus superueniet in te et virtus altissimi obumbrabit tibi. Reficit. ut ipse. Vnde venite ad me omnes qui laboratis et onerati estis et ego vos reficiam. Et aqua sapientie salutaris potabo illum. Semper fluit ut ipse. Vnde spiritus vbi vult spirat. Igitur est aqua refrigerans. Aqua reficiens. Aqua rigans. &c. Ita deinceps nullo servato ordine diversa Scripturae Sensa literaliter aut allegorice exponuntur, comparantur, illustrantur, nullo Doctorum, quos Autor se lustrasse supra dixit, nomine expresso. Neque mihi de ejus nomine, aut patria est, quod dicam, nisi quis Germanum velit ex eo, quod in Titulo de Pane fol. 42. scribit: sicut Zuchare uel alia species solet diutius in ore teneri ob sui saporem. Claudit ille Collectionem suam his verbis: Et ego gratias semper agam domino et eum laudabo et finem faciam in hoc scripto.*

II. fol. 112. p. 2. sequitur Sylloge Sermonum facile LIV. ut plurimum brevium, ejusdem, ut videtur, Autoris. Themata varia sunt, de Festis Domini, de B. V. de Apostolis et Confessoribus generatim, de S. Johanne Bapt. Praeterea de Canticis, de Levitis, de Triplici Mensa, de Apocalipsi, Sermo penitentialis, et moralis &c. Initium Sermonis I. In vigilia Nativ. domini est: Propter hoc sciet populus meus nomen meum in die illa &c. fidelis